

**KENYATAAN MEDIA**  
Kuala Lumpur, 15 April 2022

**Khazanah raih RM535.5 juta hasil daripada penempatan saham  
CIMB Group Holdings**

*Hasil akan digunakan untuk pelaburan baharu, termasuk pelaburan bawah Dana Impak*

Khazanah Nasional Berhad (“Khazanah”) telah berjaya melaksanakan penempatan 105 juta saham (1%) dalam CIMB Group Holdings Berhad (“CIMB”) pada harga RM5.10 sesaham, sekali gus meraih kira-kira RM535.5 juta. Harga penempatan mewakili diskaun 3.4% pada harga penutup pasaran RM5.28 pada 13 April 2022.

Urus niaga penempatan saham tersebut adalah sebahagian daripada usaha berterusan Khazanah untuk mengimbangi semula portfolionya serta mengitar semula pelaburannya ke dalam aset baharu di Malaysia dan di luar negara, termasuk pelaburan baharu bawah Dana Impak.

Sejajar dengan strategi jangka panjang baharu Khazanah dalam memajukan ekonomi dan masyarakat tempatan bawah *Memajukan Malaysia*, Dana Impak bertujuan untuk memangkin bidang pertumbuhan baharu, membangun daya saing ekonomi Malaysia serta meningkatkan daya tahan sambil memacu hasil sosioekonomi utama negara.

Susulan daripada penempatan itu, Khazanah masih kekal sebagai pemegang saham tunggal terbesar dalam CIMB dengan pegangan 24.7%.

Penempatan itu menyaksikan saham tersebut diagihkan kepada beberapa dana berkaitan kerajaan, pelabur institusi jangka panjang domestik dan asing, serta beberapa dana lain.

CIMB dan Credit Suisse adalah pengatur bersama penempatan saham tersebut.

**TAMAT**

*Untuk sebarang maklumat lanjut, sila hubungi Sberliža Zabarudin di talian Tel +603 2034 0000, atau e-mel [sberliža.zabarudin@kbnas.com.my](mailto:sberliža.zabarudin@kbnas.com.my)*



## **Tentang Khazanah Nasional Berhad**

Khazanah Nasional Berhad (“Khazanah”) ialah dana kekayaan berdaulat Malaysia yang diamanahkan untuk menyampaikan nilai mampan untuk rakyat Malaysia dengan mencapai pulangan terlaras risiko jangka panjang. Ia bertujuan untuk memajukan Malaysia dengan meningkatkan daya saing dan kekuatan ekonomi, memangkin aktiviti perniagaan serta membina daya tahan dan kemampanan sosio-ekonomi. Untuk mencapai matlamat ini, Khazanah akan membina kekuatan kewangannya dan bekerjasama dengan kerajaan Malaysia, sektor swasta dan masyarakat. Untuk maklumat lanjut mengenai Khazanah, sila layari [www.khazanah.com.my](http://www.khazanah.com.my).